

EFTIRLITSSKÝRSLA

Becromal Akureyri



UMHVERFISSTOFNUN

Dags eftirlits	5.9.2017	Ábyrgðarmaður eftirlits	Steinunn Karlsdóttir
Fyrirtæki	Becromal	Eftirlitsmaður	Guðbjörg Stella Árnadóttir
Heimili	Krossanesbraut	Tegund eftirlits	Reglubundið
Kennitala	5902070120	Flokkur	Verksmiðja
Fulltrúi fyrirtækis	Urszula Tlodka	ÍSAT nr.	
Fulltrúi fyrirtækis	Þórdís Huld Vignisdóttir	Staðsetning	540624,714 578699,611

NIÐURSTAÐA EFTIRLITS

Engin frávik komu fram við eftirlit og engar athugasemdir voru gerðar.

UMFANG EFTIRLITS

Farið var yfir starfsleyfið og minnt á skráningar og skiladaga skv. því.

Rekstraraðili áætla að taka allt kvikasilfur út úr framleiðsluferlinu og setja inn í staðinn lífræna lausn. Stefnt er að því að þessu skrefi verði lokið í nóvember n.k. Aðrar breytingar eru ekki áætlaðar í ár.

Niðurstöður árlegra mælinga á efnafræðilegri súrefnispörf (COD) og svifögnum í frárennsli fyrir árið 2016 voru innan marka starfsleyfis. Einnig hafa niðurstöður pH mælinga í frárennsli allar verið innan marka starfsleyfis frá síðasta eftirliti. Þær eru sendar eftirlitsaðila mánaðarlega með tölvupósti. Framkvæmdar voru hljóðmælingar á síðasta ári og voru niðurstöðurnar innan marka reglugerðar. Í maí s.l. voru framkvæmdar gasmælingar með nýjum og nákvæmari tækjabúnaði, þær mælingar voru allar innan marka starfsleyfis. Mælingar á ryki, kvikasilfri og natríum voru gerðar inn í verksmiðjunni á vegum vinnueftirlitsins og komu þær vel út.

Rekstraraðili hefur gert stöðumat á umhverfismálum í kringum útráðarop frárennslis í samvinnu við Háskólann á Akureyri, matið er gert í samræmi við grein 5.1 í starfsleyfi sem kveður á um að fylgst sé með mengun í sjó. Kafari fór niður að lögninni og skoðaði ástandið og tók myndir, matið kom vel út í samanburði við svipaða úttekt sem var gerð árið 2012 en síðan þá hefur lífríkið á svæðinu auðgast, þ.e. gróður hefur aukist og dýrum í kringum opið hefur fjölgað.

Kvikasilfur er geymt í loftræstum járnkáp á útvegg. Í eftirlitinu voru í honum 6 kg af kvikasilfri. Öll úrgangs spilliefni fara til Hringrásar og eru þau geymd í gámi fyrir utan verksmiðjuna. Gámurinn er læstur og er umgengnin þar góð. Umgengni á flokkunarsvæði úrgangs, á bak við verksmiðjuna er einnig góð og allt í sérmerktum körum. Kvittanir vegna móttöku úrgangs voru til staðar í eftirlitinu.

Grænu bókhaldi og útstreymisbókhaldi var skilað til eftirlitsaðila á réttum tíma.

Í júní á þessu ári fékk rekstraraðili endurnýjun á ISO 14001 vottun sem gildir til 2020.

Þjálfun starfsmanna er vel sett upp og utanumhald gott. Ítarleg starfsmannahandbók er til staðar þar sem tekið er á öllum þáttum er varða framleiðsluna, umgengni við spilliefni, öryggi og annað sem starfsmenn þurfa að kunna skil á. Á síðasta ársfjórðungi 2016 var allt starfsfólk endurþjálfað, m.a. var farið var yfir öll öryggisatriði og umhverfismál. Öll hættumerki hafa verið uppfærð samkvæmt reglugerð um flokkun og merkingu.

Engar kvartanir eða óhöpp hafa komið upp frá því í síðasta eftirliti, hvorki til rekstraraðila, Heilbrigðiseftirlits Norðurlands eystra né eftirlitsaðila.

Verksmiðjan var skoðuð og útisvæðið í kringum hana. Svæðið er snyrtilegt og vel viðhaldið. Í síðasta eftirlit var bent á að rotþró sem stendur vestan við húsið og þjónustar hluta af starfseminni væri nánast öll ofanjarðar, rotþróin er í eigu Norðurorku. Rekstraraðili hafði samband við Norðurorku sem hefur gert viðeigandi ráðstafanir. Svæðið er afgirt og aðgangur almennings takmarkaður.

ANNAÐ

Minnt var á í eftirliti að boða á til samráðsfundar 2018.

Viðstödd eftirlitið voru einnig Rúnar Sigurpálsson frá Becromal og María Markúsdóttir frá Heilbrigðiseftirliti Norðurlands eystra.

Reykjavík, 13.09.2017

- 1 Frávik: Framkvæmd telst ekki í samræmi við kröfur sem settar eru fram í starfsleyfi, lögum eða reglugerðum.
- 2 Athugasemd: Ástand sem eftirlitsmaður telur vert að vekja athygli á í þágu heilsuverndar, umhverfisverndar og öryggis en sem ekki geta talist frávik.

Steinunn Karlsdóttir
Steinunn Karlsdóttir